

24 July 2025

समे .18:15 Hrs

<><><><><><>

Headlines

- भारती ते ब्रिटेन नै लंदन च मुक्त बपार समझौते पर दस्तखत कीते। प्रधानमंत्री नरेन्द्र मोदी होरें आखेआ ऐ जे भारत ते ब्रिटेन दे दपक्खी सरबंधें च एहू इक ऐतिहासिक ध्याड़ा ऐ।
- संसद च बरोधी धड़े आसेआ बक्ख-बक्ख मामलें गी लेइयै कीते गेदे हंगामे दे चलदे दौनें सदनें दी कार्यवाही गी अज्ज दिनै भरै लेई स्थगित करी दित्ता गेआ।
- श्री अमरनाथ जी दी जात्तरा दे पैहले 21एं दिनें दरान 3 लक्ख 42 जहार शा मते श्रद्धालुएं शिवें दे हिमलिंगम रूप दे दर्शन करी लैते न ते इस ब'रे जात्तरा दा आंकड़ा अधिकारिक तौर पर दस्से जा'रदे साङ्गे 3 लक्ख दे आंकड़े गी अराम कन्नै पार करी लैग।
- साबका मुखमंत्री गुलाम नबी आजाद होरें जम्मू-कश्मीर दा राज्य दा दर्जा बहाल करने दे प्रति अपनी वचनबद्धता गी इक बारी फही दोहराया ऐ।
- डोगरी, गोजरी ते कश्मीरी भाशाएं बक्खी ध्यान केन्द्रित करदे होई नेशनल बुक ट्रस्ट ऑफ इंडिया आसेआ श्रीनगर च औंदी 2 अगस्त थमां चिनार बुक फेस्टिवल 2025 दा आयोजन कीता जाहगा।

<><><><><><>

India-UK

भारत ते बरतानिया नै मुक्त बपार समझौते पर दस्तखत कीते। बरतानिया दे अपने हमरूतबा हुंदे कन्नै गल्लबात मगरा इक बयानै च प्रधानमंत्री होरें इसी भारत ते बरतानिया दे दपक्खी रिश्ते च ऐतिहासिक दिन दस्सेआ। उनें खुशी जाहिर करदे होई आखेआ जे केई ब'रें दी मेहनत मगरा दौनें मुखें बश्कार व्यापक आर्थिक ते बपार समझौता होआ ऐ। उनें आखेआ जे एहू समझौता छड़ा आर्थिक सांझेदारी नेई ऐ, सगुआं भार ते बरतानिया लेई खुशहाली दी बत्त पदरी करोग।

<><><><><><>

LS-RS-Adjourned

संसद च बिरोधी धड़े आसेआ बक्ख-बक्ख मामलें गी लेइयै कीते गेदे हंगामे करी दौनें सदनें दी कार्यवाही गी अज्ज अज्ज दिन भरै लेई स्थगित करी दित्ता गेआ। अज्ज दिनें 11 बजे जि'यां गै लोकसभा दी बैठक लगगी तां स्पीकर स्पीकर ओम बिरला होरें सोआलें दे समें आहली कार्यवाही शुरू करवाई पर बिरोधी धड़ें दे सदस्य बिहार च मतदाता सूचिएं दी विशेष नजरसानी होरनें बक्ख-बक्ख मामलें पर चर्चा दी मंग करदे होई सदन दे बिच्चो-बिच्च बिच्च आई गए जिस करी स्पीकर होरें'गी सदन दी कार्यवाही पैहले दपैहरी दो बजे तोहड़ी ते फही पूरे दिनै लेई

लेई स्थगित करनी पेई गेई। दुई बक्खी राज्यसभा च बिन्द हारा कम्मकाज जरूर तोड़ चढेआ पर बरोधी सदस्ये सदस्ये लगातार सदन च डंड रौली पाई रक्खी जेदे चलदे राज्यसभा दी कार्यवाही पैहले दपैहरी दो बजे तोहड़ी ते ते फही पूरे दिनै लेई स्थगित करी दित्ती गेई।

<><><><><><>

Amarnath-Yatra

श्री अमरनाथ जी दी जात्तरा बवस्थित ढंगै सिर चला करदी ऐ ते इस बरे अजे तोड़ी त्रै लक्ख 42 ज्हार कोला मते श्रद्धालुएं शिवे दे हिमलिंगम रूप दे दर्शन करी लैते दे न। तोआई, जम्मू दे भगवती नगर जात्तरी निवास थमां अज्ज बडुलै सख्त सुरक्षा बंदोबस्ते हेठ त्रै ज्हार 500 अमरनाथ श्रद्धालुएं दा जत्था पहलगाम ते बालटाल लेई खाना होआ। आकाशवाणी दे जम्मू संवाददाता दी रिपोर्ट मूजब इस बरे श्री अमरनाथ जी दी जात्तरा दे पैले 21एं दिनें दरान गै त्रै लक्ख 21 ज्हार कोला ते श्रद्धालुएं श्री अमरनाथ जी दी गुफा च मत्था टेकी लैते दा ऐ ते इस बरे श्रद्धालुएं दी गिनत्री साढे त्रै लक्ख दे आंकड़े गी अराम कन्नै पार करी लैग कीजे अजे बी जात्तरा लेई 17 ध्याडे बाकी न। देसै दे बक्ख-बक्ख हिस्सें थमां श्री अमरनाथ जी दी जात्तरा लेई जम्मू-कश्मीर च आए दे श्रद्धालुएं च जबरदस्त उत्साह दिक्खेआ जा'रदा ऐ।

<><><><><><>

Mock-Drill

औंदी बुड्डा अमरनाथ जात्तरा दी तैयारिएं दा जायजा लैने लेई पुंछ पुलस ते होरनें दुई सुरक्षा एजेसिएं इक व्यापक मॉक ड्रिल कीती। अजमैश आहली इस कार्रवाई दा मकसद तैयारिएं दा आंकलन करना हा। एह कार्रवाई पुंछ दे एस.एस.पी शफकत हुसैन हुंदी दिक्ख-रिक्ख च होई। इस दौरान पुलस, नीम फौजी बल ते होर दुइएं आपात सेवाएं बश्कार तालमेल दा बी जायजा लैता गेआ। एसएसपी पुंछ होरें आखेआ जे एह मॉक ड्रिल ते रिहर्सल बुड्डा अमरनाथ जी दी जात्तरा गी सुचारू ढंगै सिर करोआने लेई ही। उनें गलाया।

<><><><><><>

CU-AACSB

भारती उच्च शिक्षा च इक बड्डी उपलब्धि तैहत सेंट्रल यूनिवर्सिटी ऑफ जम्मू गी The Association of Advance Collegiate schools of business (AACSB) आसेआ मिम्बरशिप दित्ती गेई। एह दुनिया भरै मन्ने-परमन्ने दा एसोसिएशन ऐ। सी.यू.जी एह उपलब्धि हासिल करने आहला भारत दी पैहला केंद्री यूनिवर्सिटी ऐ। यूनिवर्सिटी दी उपलब्धि गी उजागर करदे होई सी.यू.जे दे वी.सी प्रो. संजीव जैन होरें आखेआ।

AACSB दे दक्खन एशिया दे क्षेत्रीय प्रमुख प्रताप दास होरें आखेआ।

<><><><><><>

Azad Statehood

जम्मू-कश्मीर दे साबका मुखमंत्रि ते डेमोक्रेटिक प्रोग्रेसिव आजाद पार्टी दे प्रधान गुलाम नबी आजाद होरें जम्मू-कश्मीर दा राज्य दा दर्जा बहाल करने ते प्रदेश दे तेजिया कन्नै विकास-बाद्दे दे प्रति अपनी बचनबद्धता गी इक्क बारी फही दोहराया ऐ। अज्ज कटड़ा दे अपने दौरे दरान मीडियाकर्मियें कन्नै गल्ल करदे होई आजाद होरें आखेआ जे खित्ते दा चबक्खा विकास ते मकामी लोकें दे अधिकारें दी राक्खी-हिफाजत उन्दी पार्टी दा मुख एजेंडा ऐ। भारत दे उप-राष्ट्रपति दे ओहदे लेई उन्दे नांऽ पर विचार कीते जाने दिएं अटकलें गी खारिज करदे होई आजाद होरें ऐसी रिपोर्टें गी बेबुनियाद ते अफवाह करार दित्ता। उनें आखेआ

<><><><><><>

Chinar Book Fest

केंद्री शिक्षा मंत्रालय ते जिला प्रशासन श्रीनगर नेशनल बुक ट्रस्ट दे सहयोग कन्ने 2 थमां 10 अगस्त तगर श्रीनगर च चिनार किताब मेला-2025 आयोजित करा'रदा ऐ। एहदे च 300 प्रकाशकें दे हिस्सा लैने दी मेद ऐ। विद्यार्थिं गी इत्थे कताबां रियायती भाएं पर उपलब्ध होडन। इस बारै मुख आकर्षण रौहग शारदा लिपि, कश्मीरी, डोगरी पर ते गोजरी भाषा ते मुकामी बोलिं पर होग। चिनार बुक फेस्टिवल दे चीफ कन्वीनर डॉ. अमित वांचू, नेशनल बुक ट्रस्ट दे निदेशक युवराज मलिक होरें उपराज्यपाल मनोज सिन्हा हुंदे कन्नै मलाटी कीती। इनें औंदे उत्सव दी तैयारिं पर चर्चा कीती। होर जानकारी दिंदे होई डॉ. अमित वांचू होरें आखेआ।

<><><><><><>

Udh. NCC

नेशनल कैडेट कोर दे जम्मू-कश्मीर ते लद्दाख निदेशालय दे अतिरिक्त महानिदेशक मेजर जनरल अनुपिंद्र बेवली होरें उधमपुर दिं डिप्टी कमिशनर सलोनी राय, एन.सी.सी दे ग्रुप कमांडर जनरल डी.एन पांडे ते उधमपुर दे स्टेशन कमांडर ब्रिगेडियर त्यागी हुंदे कन्नै अज्ज उधमपुर च नमें बनाई गेदी जोरावर एन.सी.सी ट्रेनिंग अकैडमी दा उद्घाटन कीता। जम्मू दे नगरौटा इलाके च बनाई गेदी ट्रेनिंग अकैडमी दे बाद समूलचे जम्मू-कश्मीर च बनाई गेदी एह इस चाल्ली दी दुई अकैडमी ऐ। मौजूदा समें च 350 महिला कैडेट दे पैहले बैच गी जोरावर एनसीसी ट्रेनिंग अकैडमी च सिखलाई दिती जा'रदी ऐ। इस सरबंध्यै च मीडिया कन्नै जानकारी सांझी करदे होई मेजर जनरल अपुपिंद्र बेवली होरें आखेआ।

तोआई, उधमपुर दिं डिप्टी कमिशनर सलोनी राय होरें इस मौके पर आखेआ।

<><><><><><>

Kishtwar-Mission Yuva

उद्यम कारखानादारी दे राहें मकामी नौजवानें गी सशक्त बनाने दे मकसद कन्नै रम्भी गेदी जम्मू-कश्मीर सरकार दी मते महत्वै आहली पैहलकदमी मिशन युवा गी अगगे बदांधे होई जम्मू-कश्मीर बैंक आसेआ किश्तवाड़ च उद्यमी युवा दिवस कार्यक्रम दा आयोजन कीताग गेआ। किश्तवाड़ दे डिप्टी कमिशनर पंकज कुमार शर्मा कार्यक्रम दे मुख परौहने हे ते उनें इस मौके पर 44 नौजवान लाभार्थियों गी दोआर-कर्जे दे मंजूरी आहली चिट्ठियां सौंपियां। इस मौके पर डिप्टी कमिश्नर होरें नौजवानें गी अपील कीती जे ओहू इस योजना तैहत उपलब्ध करवाए जा'रदे मौकें दा बद्दोबद्द लाहू हासल करना। इस सरबन्धै च होर जानकारी सांझी करदे होई जेएण्डके बैंक किश्तवाड़ दे कलस्टर प्रमुख खुर्शीद अहमद होरें आखेआ।

<><><><><><>